



閑雲稿序

詩緣情而生也詩而可廢情亦可廢矣先王唯不廢詩故因謳吟謠誦之出於自然而可被絃管者采之太師紀之國史用以為音樂蓋至仲尼之時而積有

三十餘篇聖人欲其精也擇其
旨遠言文者命之白經乃僅止
於三百則詩才之妙自古已難
之矣其流逶迤變漢魏晉以古
唐以律凡著名流傳者皆傑然
才士也第大曆已後作者或祖

騷人之怨而已其比物連類緣
情綺靡之軌於是歡愉之詞寔
而悲慨之語繁和平之調微而
促數之致見矣吾嘉周子逸之
之為詩也佇興所就掬翰媿又
咏而味之殆和暢焉歡愉而近

於和平也不亦翮乎善哉夫和
平者治世之聲驩愉者春熙之
化此先王之所不廢而仲尼之
所遘求也大都世之昌也才執
之士顯於上志舒意快其聲歡
以愉世之衰也才藝之士伏於

下志阨氣闕其聲悲以怨聞有
得諸天不繫於遇者則不盡然
也周子藿食布素名不列於
天朝才不登為世用寰瀛之與
鄰而湫隘之与宅丘壑之與托
而魚鳥之與親安所適而驩愉

開雲利月
若是要其中有爽然物外者也
獨不聞蒙莊子乎蒙莊者古之
達人也南華之經散道德放論
以逍遙游為首簡誠得乎逍遙
之趣則卿相之位不足為其榮
素封之貲不足為其富揚之青

雲而不汰抑之泥塗而不慄矣
唐之秦系張志和宋之林逋魏
野其人也周子篇什視四子相
伯季而趣亦符之方將葆忘憂
之真順倘來之遇調陰陽之節
理萬物之和摹烟霞繪花月酌

騷雅引宮角油油渙而出之若
怒髮而悲譎呶嘍而逼仄周何
有哉仲尼貴隱逸於衡門考槃
之高蹈三致意焉若周子者謂
之合於衡門考槃非耶俾四子
齊余言必有當於心矣周子早

歲工五言律窮盛而七言與古
選次之其意以兼能之不足弗
若獨至之有餘後周子齒益壯
又薦嗜吟哦其思泉涌颺發以
故頃年以來諸體畢工矣所謂
見其進未見其止也周子號梅

壺山人學晉人書肖之頃寓黃
庭道經二帖深得逸少筆意集
以闕雲館名吾嘉自頃上林元洪
咸符卿元佐僧正念方澤相繼
云亡今詩苑零落纔不過四五
同志余故每見少俊能詩者云

此吾嘉鳳皇也堪為世瑞而數
數稱述周子於吾黨猶楊敬之
之於項斯云

萬曆己卯三月三日

前進士刑部尚書郎彭輅誤



問雲臺序

昭陽大荒落三夏余方擘幘林

百里中周逸之者一再謁余曰

出其所為詩如蒼彌白問雲稿

去余序惟風噫而葉切湍激而

瀨語次萬不同咸其盲得沉詩

乎哉夫詩情性三宗也治道之
大闢也此物之有損者也孔子
刪詩美一而刺九益所以宣民
情導三使言若十月之交雨無
正雖幽厲三虐不能廢是故先
王陳詩采風以考民始察治道

蓋非無繇也唐風盛也矣中器
亏宋道

國朝乃復有詩作者代起猶三
乎雲蒸霞變爛熳域中永庶幾
開元大曆哉然廟堂三什或尚
綺靡山林三詞或多鬱結間有

如管心所瑕摘者要非詩三首
得之吾嘉上衍澤秀雲林蕭疎
盲昔爲高心韻本托跡君以布
衣逍遙算間彈琴讀書玄覽物
外興至則橫几臨逸少帖或乘
小舫弄烟水三互游徇澳父傳

也且遭逢太平歌巢許詠芝薇
棄少陵摩詰咄二憂時三致以
故發兩炙詩言二盲得彭比部
稱君詩去悲慨而近龢平且曰
和平者治世之蔽也此部知詩
且知君毋爲問僕矣

皇明 蔡易黃洪憲書



平者台也二禮也
 蘇古指也悲離同
 姑繁而矣皆言一
 棄也朝朝言二易
 空且豐盈也

閒雲稿序

越嘉周子逸之從余遊請問
 詩余賦周生行以贈既而持
 閒雲稿來乞序余訝曰向吾
 示之以杜德殆未見衡氣機

也胡速肖而損造若是哉其
師鼙比部謂其詩歡愉而近
於和平治世之音也蓋丘壑
之與託魚鳥之與親塵視富
貴銖視軒冕者也然詩必楚
湘之九歌行吟憔悴少陵之
七哀惻時紀事慷慨悲壯庶
能感人也否則風形月露流
連光景烏貴和平哉其友黃
太史謂其去覽物外忘情世

變觀昭曠而快道遙使無祀
人仰天之憂室女倚楹之感
若胡越肥脊蒙莊放誕無復
黍離麥秀之篇即土衍澤秀
未必能移人也鳥取風雅正

如之音哉必本之性情心乎
禮義溫柔敦厚而不愚則深
於詩者也余曰其和平而進
之以湛鬱反其勸愉而廣之
以激烈庶成大家哉周子勉

旃母畫

萬曆辛巳仲冬朔旦

前進士天官大夫

吳郡皇甫汈子循誤



閑雲稿序

沛氏萃津公畏狼而遊足跡

且遍天下而獨物色古秀曰其

地衍而廣其人雅而文泉流漱

玉林麓雲濛彼水涯曲渚

中必有嗜古立言獨行之士也
其折簡而文秀之大夫士亦
且為一而獨物也梅墟子曰神
墻玉琢才思霞敷顏脩而癯青
芝玉未殆嵇阮之倫而陶謝是
匹者歟不佞乃愕然曰東吳
余所聞常遊者而獨不知有
所謂梅墟子其人何居於氏
曰余不能悉也而第觀其詩
因授一帙于不佞尔時帳中適

有軍事不暇披詠惟寅夜無
寐起而徘徊刁斗無聲探月
猶白每取兩歌詠之盡一章
則進一壘當會意處未嘗
不徘徊若脫戎馬之場而
置我于冰琴雪鶴之間也他
日謂殊氏曰子之友梅壚字者
真吳之雋也讀其詩知其澹
然無懷彼其行樵步竹帚直
螺贏之矣所謂盛世之逸民

齊策而駕許寧眇少者倫哉
今者秋筭獲折陣馬盤鷗犬
夫此無累竿之思而鄉山狂
水似攢人夢多思也何曰買田
攜孝之上為終老計耕雲
釣澤以友斯人梅壻子必掃
石抱琴以俟我也曰綴之簡
端以附後甄之誨

萬曆壬子初夏吉旦

賜進士第資善大夫都察

院左都御史兼兵部右侍郎
郎總督日蒞遼等處軍務
侍經筵

賜飛魚服山陰環洲吳文謨



閔雲臺敘

余嘗吳之胥逸之難矣晚得讀
其詩最晚得林衡為志其行誼
對衡曰周子隆岬而昂鼻激髯
而多風行則蹌臥則于蓋望之
若神駿奔騰而愈益就之則喫

然蘇也曰卓哉故其詩跌宕而
隱起林衡曰周子睿發而多藻
宏辨而中於事情一衡莫當一
縱誰挽侃凜不疑於古之堅白
曰警哉故其詩慧而多秀語林
衡曰周子雅志僻古摩挲鼎彝

搜秦而鑑漢篋笥其豐儲曰雅
哉故其詩蒼鬱而有色叔衡曰
周子善摹而工于點畫篆籀畢
舉楷隸兼妙甜墨伸絃驅玉駕
趙且以其餘點染竹石而肖諸
造物也曰藝哉故其詩多識而

善林林衡曰周子能琴能歌喜
釣喜弋誅茅素絢作室于白亭
之磧溪吟谷嘯聊以永日曰達哉
故其詩恬然放而不收也叔衡
曰周子通儒而好道冥坐束足
潛心于澗其形兀然其視填曰邃

哉深哉羗曠逸哉故其詩仙僊
而不染若雪田之鶴也繼而告
叔衡曰使周子能北游而觀宮
闕之富鐘簴之盛縉紳學士之
彬當消歇其麋鹿之思而為土國
器也然而味其言似已痼其志

于長林豐草間矣曰歌白駒之
二章而泚衡代歌衡門之首章
以應他日逸之以集序請遂據
以如此泚衡與逸之皆周姓而
又皆能詩故兩人深相結也
萬曆壬午孟春吉日

賜進士及第資政大夫太子太
保禮部尚書兼翰林院學士
前

國史總裁

經筵講官國子監祭酒

新昌水簾潘晟書



閒雲稿卷之一

閒雲稿卷之一

嘉禾梅墟山人周履靖著

春日南園雜興八首

幽居無一事長日掩柴扉
桑柘春前綠鶯花雨後肥
川光搖夕霽嵐氣帶雲飛
日暮溪南寺鐘聲出翠微

其二

數里郊墟外孤村烟火賒
牛羊歸隴陌鷄犬隔鄰家
布穀春將晚班荆日欲斜
田翁時過飲相

對話桑麻

其三

綠樹村邊繞清溪檻外紆閒披高士傳頻灌小
園蔬書靜聞山鳥林深少客車欲知逃世網脩
竹是吾廬

其四

樂此幽栖處閒心對野鷗遠山千疊翠春水一
溪流苔遍蓬蒿徑香生杜若洲蘭樽隨所適身
外復何求

其五

晨起寂無事居然思獨惺臨池摹晉帖隱几閱
玄經酒向樽中綠山當雨後青誰憐嵇叔夜嬾
慢卧柴扃

其六

種竹開幽徑臨軒築小山未成招隱賦且樂考
槃閒對酒花相笑當歌鳥自還悠然靜觀處明
月到柴關

其七

棲雲恒自足學圃謝無能游心惟竹素抱甕汲
寒澄堂北萱堪樹溪南石可憑應知會心處魚
鳥是良朋

其八

久欲全踈拙回棲野外林桃花兩岸色楊柳一
溪陰機忘狎鷗鷺性癖嗜書琴吾生耽樂事何
必歎浮沉

壽文水文師

解組歸來樂事偏蒼顏綠髮九華仙風流世繼

蘭亭蹟經學時稱涑水賢三月鶯花吳苑酒五
湖書畫米家船長生已授桐君錄遙夜華星傍
斗懸

贈羅陽劉師

共羨清時早解紳扁舟歸泛五湖濱文章一代
推中壘名姓三朝重侍臣樽酒頻開青嶂月琴
書常閱絳帷春懸知桃李公門樹日向敷榮化
雨新

詠懷

魚池魚池壺招近及驛然引夜林明月何需燭
 自收一枕高甕牖三竿旭無事到江城庶免殆
 斯時五畝種瓜田此生聊自足頽俗寡所諧南
 華可三復

送黃葵陽翰林

酒盈金屈釵襟沉玉堂仙紫綬飄飄日金閨侍
 從年揮毫誇倚馬作賦擬甘泉當代推班馬應
 知龍溪偏

梅花燈詠

開雲稿

卷之一

廿卷四

不藉陽春發偏依火樹明無香風外度有影月
 中橫

元夕觀燈

几枝燈火炫金蓮共道春城不夜天曾憶廣陵
 東樂舞霓裳歌舞夜踰躑

人卿過訪開雲館

梅中散軒居此日過不嫌荒徑寂但覺白
 野饌供葵菴清陰結薜蘿如泥新酒熟客

雜

四十總無聞荏苒竟碌碌功名日蹉跎逡巡以
混俗獨鶴逐鷄群空瞻遠舉鵠純鈎秘匣中遺
編徒自勗出郭望古墓但悲年命促歲蕤秋菊
芬倏忽春草綠榮華無定期光景靜中矚嬾深
洛陽塵喜釣巖灘曲蘭餘幽澤馨鷗任滄洲浴
散髮晞朝陽不受冠裳束種柳學陶潛誅茅傍
愚谷桑樞暫曳門苔茵聊當褥何妨陋巷瓢邴
羨高駟駟行歌拾遺穗耻貧監河粟漸以却煩
囂常能守幽獨爐香靜自焚澄心祛所欲掃蕪

春望

江空遙入望一水接長天芳草王孫路斜陽旅
客船桃花三月雨楊柳萬家烟誰道征途倦臨
風亦黯然

春日項墨林夜集觀妓

華堂展良燕殘雪帶春寒舞袖搖銀燭歌聲繞
畫欄月浮杯乍白漏促夜將闌倒着接羅興山
公醉笑看

賦得春暖桃花浪

古渡添新漲迴瀾泛落英錦光搖淑浦艷色動
江城紅雨隨濤急丹霞濯浪明武陵三月暮流
水接滄瀛

上巳同張伯容泛舟

有客尋春興因之共採芳良辰宜拔楔沉醉漫
浮觴徑轉溪流合春深草木香不妨歸棹晚新
月照橫塘

答彭師冲溪

塔前芳草綠春色已全過山水遺情遠琴樽入
興多披襟乘朗月揮麈寄青蘿爲問先生道花
間醉幾何

訪張凌虛

東風三月惜春還有客移舟叩竹關綠柳陰中
啼鳥靜翠微深處落花間琴彈淨几聞流水酒
泛宜城對遠山清世自耽玄草室肯容問字一
追扳

訪張幼于

日照吳門練色深君家兄弟擅詞林
斗間紫氣

占龍劍閣上朝陽
洽鳳音藻賦盛傳
文苑秘綵
毫頻向研池臨
遙知竹裏開三徑
媿似求羊得
重尋

過王百穀半偈菴有贈

托迹渾疑雲水僧
常依精舍說三乘
百年獨秀
蒼松石一點常明
繡佛燈鶴御花間
邀子晉鸞
鳴月下嘯孫登
居然跌坐繩牀上
靜夜聞鐘萬
劫澄

清明日崑山遇雨因思先隴

渺渺度江濱
淒淒倍慘神
偶逢寒日節
應惜故園春
古渡迴風急
孤篷送雨頻
荒塋竟誰展
涕淚一沾巾

同陶甄卿李君實擬訪耶溪上人
不遇且有
庭梅可玩漫成一律

欲訪東林社
因要周續之
陶潛情縱酒
李白興無羈
杖錫何方駐
觀梅此日期
庭前有清沼
一鑑識妍媸

春日集許夢萱宴

開雲和
淑景催芳燕風花遍草堂樽傾同北海客聚儼
高陽對局延宵永呼盧引興長主人情未極明
月正流光

荅秋潭上人過村居觀梅和韻

莫道村居迥鴛湖逼我家林幽啼鳥亂樹密轉
溪斜野思迷芳草清暉映晚霞支公多逸興移
棹問梅花

訪武湖友家卽事

爲訪幽人宅遙尋谷水西入林驚犬吠隔竹愛

鶯啼白幘耽樽酒青出信杖藜桃花開兩岍宛
是武陵溪

過包學憲園居

一徑開林莽雙溪帶雨寒繁花疑列錦脩竹欲
凌翰鶴唳蒼松塢苔封白石欄東山歸卧穩樽
酒日盤桓

懶

春來頻伏枕高卧與雲居樹密鳴禽好林幽過
客疎梧風吹榻爽松月映杯虛賸有籠鶩與黃

庭久不書

春日過訪陶山人留酌

久擬尋春曳杖來不妨履跡破蒼苔胡床共握
東林月清醕頻傾北海杯遊思幾回芳草遍詩
情多爲落花催與君未盡厭厭興不覺酡顏玉
已頽

春風

着柳搖金縷臨池動碧紋梅花半殘處香雪落
紛紛

山居

花發溪前樹雲生屋後山徑幽無轍跡長日掩
柴關

別友

分手江亭上離情酒一觴吳山雲際斷越水望
中長芳草迷征袂飛花點去裝他時明月下兩
地可相望

鳥聲驚睡

房櫳春暖睡偏遲淑氣先從鳴鳥知倚樹千聲

驚曉夢臨風百轉動春思祖生不必聽鷄舞漢
使何須望雁悲寄語東山高卧者枝頭絃管可
相期

幽窓睡起招城南知己

幽窓一榻卧偏宜夢覺總驚鳥語時幾處看花
頻中酒滿牀明月忽成詩琴携叔夜誰同調舟
泛王猷吾獨思漫寄城南舊知己可無佳興赴
春期

雨後讀高士傳

春來風雨遍林丘寂寂空齋動客愁草徑絕人
閒仲蔚漆園傲吏寄莊周枝間好鳥催杯盡野
外名山作卧遊漫倒床頭新釀酒不如且學醉
鄉侯

送吳公子鳳山入京應試

才子翩翩挾策遊春風更入
帝王州青萍壯氣遙凌斗綵筆生華近報秋霄
逼九重鵬鷲路雲開五色鳳皇樓相家經業君
能擅江左風流誰與儔

送別

桃花開兩岸春水一溪高孤舟成遠邁蘭蕙紆
江臯窮達固有命身心何足勞千愁冥胸臆兩
鬢成霜毛杯酒一爲別涕淚沾征袍回首情未
盡白雲天際遙

和張伯咨春遊景德寺得房字

杖藜郊外探春暘來扣支公竹下房幻跡已隨
雲共往閒情久與世相忘天成絕巘層層碧路
入叢林樹樹芳歸去夕陽湖水濶漁歌款乃在

滄浪

山僧惠茶

僧來天目寺貽我雨前茶
莢似黃金嫩泉如白雪
華長卿消渴思鴻漸
品題嘉茗向盧仝
啜寧言七碗賒

寄識軒俞比部

吳中媿託金蘭誼天上難攀玉樹枝
况是秋風鵬再起卑栖燕雀切情私

白苧歌

荒墟三畝鴛湖邊茅屋數椽心自便繁梅帶雪
映屋角翠竹凝烟當牖前主人散髮性踈嬾白
晝掩卷臨窓眠興來徐步松下石屐齒印破蒼
苔色虛堂寂寂迥無喧鵲噪應過素心客牀頭
有酒濃如潼釣來之魚長一尺盤蔬漫剪園中
葵高歌共擬仙人宅醉後詩成足幾篇篇篇欲
作珊瑚赤起舞階下花狼藉翩翩恍疑生兩腋
年來何以充朝飧紫霞英英手可摘

和沈觀察薄暮發西九過善卷洞吳氏伯仲

載酒舟中

幽人雀舫汎清波載酒邀賓日暮過十里曉山
縈野樹一溪春水繞烟蘿奚郎古渡吹橫笛漁
父滄浪起棹歌爲問山公遊樂處月明良夜興
如何

村居客過

溪幽春更好市遠隔塵氛僻徑惟聞鳥荒村獨
過君班荆談落日倚杖看流雲濁酒聊成飲歸
舟月色分

寄金弘叔

開雲和 卷之一 十一
結廬喜與竹爲隣
滿徑清風藉此身
黃鳥有情時對語
白雲無意日相親
閒臨石渚垂魚釣
懶出江城脫角巾
却羨春來濡綵筆
畫將山水寄幽人

題釣鰲磯二首

偶來磯上坐青莎
一望湖光雨後多
水上樓臺如入鏡
花間鶯燕似成歌
遊人傳筆酣春色
神女捐珠弄夜波
漠漠澹烟籠古樹
遙聞天籟起

烟蘿

其二

重重樓閣俯滄溟
高築漁磯傍水亭
樹色四圍烟外碧
湖光千頃雨中青
東連越海凭爲壑
北控吳門特作屏
幾處笙歌聽不盡
畫船明月繞沙汀

客有言天台之勝漫賦

偶逢逸客話天台
瀑布千尋翠壁開
山徑雨晴瑤草茁
溪塘夜靜榜人回
石梁雲護三松寺
仙

開雲和 卷之一 廿卷三三
壑秋深八桂臺何日移家傍巖谷數椽茅屋萬
峰隈

鍾使君水竹墅

澄溪一曲繞方塘脩竹千竿護草堂明月泛舟
同李郭微風開徑有求羊逍遙淇上芳樽滿盤
礪林中碧簟涼自是使君多逸興不辭過客詠
滄浪

贈郭五游隱居焦山

五岳遊來鬢未星攬將幽勝入圖經身閒鹿豕

常爲伴思入烟霞自獨醒得句每憑江月上談
玄時引洞猿聽知君已遁焦山跡拂石重題瘞
鶴銘

姚玄嶽見訪

獨卧中林下蕭然戶久扃鶴鳴知客到琴響愛
雲停入竹堪題句看花數落英虛窓成晤對明
月過巖屏

春日過金明寺訪秋潭上人

春來黃鳥自嚶嚶結社遙知惠遠名落日踈鐘

流澗響空塔孤鶴繞花行蘇公說偈來忝座陶
令逃禪未解醒不覺東林明月上悠然相對悟
無生

村居

攜李城南五里餘蕭蕭水竹野人居浮雲世外
一樽酒長日床頭數卷書虛曠月明留客醉芳
園雨過課兒鋤悠然流水柴門繞白日垂竿且
作漁

過玉樞觀丈室

江城春雨後訪客到巖栖竹靜林逾窅花深路
欲迷浮沉忘世態虛朗得天倪晤對斜陽裏歸
雲繞戶低

其二

仙隱隔塵寰清虛白日間洞蕭吹碧玉石乳駐
朱顏春暖芝三秀年深丹九還欲傳真秘訣松
下叩玄關

其三

仙家一境深鷄犬寂無音黃獨能充饌丹砂自

化金花繁春不盡松古晝常陰隱几忘深坐清
虛長道心

其四

閒居唯習靜長日閱南華客至先迎鶴童來謾
煮茶羹生經月莢松落半庭花借問軒居客何
如道者家

閒居對雨

十日春陰合孤城積雨寒不禁愁思溢須仗酒
杯寬竹色侵衣重花枝照眼殘欲將遺世意俱

付釣魚竿

對酒

新釀乘春熟庭花映日開清風松牖至逸客剡
溪來細切金盤膾旋傾玉瀝醅前軒明月上徒
倚坐蒼苔

寄謝子仁

一自鶯啼送別時忽看楓落又空枝書沉薊北
歸鴻遠路入江南去馬遲草色連天牽客夢月
明蒲地動相思何時共秉東窓燭白酒黃花續

勝期

江村晚霽

澤國微茫水接天
數家茅屋起炊烟
隔洲漁網斜陽裏
遠浦菱歌薄靄邊
樹壑依依堪獨坐
柴門寂寂任高眠
晚來更喜東隣社
撾鼓兒童笑語闌

別陶甄卿二首

忼爾江南客飄然
冀北遊篋中藏竹
素袖裡挾吳鉤
堤柳縈離緒
溪花繞去舟
人生輕聚散
世

丁總浮漚

其二

送客早春時
離腸促酒卮
行程催去棹
別袂縮游絲
芳草天涯望
梅花江上期
秋風傳尺素
莫使雁來遲

送陶君北上二首

南臨鴛浦春初霽
北望吳門路轉長
一曲歌來牽別思
三杯傾後促離腸
須知塵世如虛夢
莫戀京華是故鄉
十里津亭回首處
杉青落日恨

茫茫

其二

二月江花開滿洲故人遠別更牽愁鶯聲惜別
春將老柳色沾衣綠正稠劍上寒光隨客路雲
中佳氣近

皇州歸期好赴南來鴈莫負黃花三徑幽

久雨喜晴

經旬踈雨獨蕭然曙色晴分萬里天幾處鳥聲
新霽後一番花氣晚風前鳧鷖對對浮春水楊

柳依依拂曉烟欲過西郊尋酒伴不辭沉醉習

池邊

暮春病懷

兼旬不出郊春色翳蓬茅酒薄愁難遣詩慵病
已拋柳塘魚沫絮花塢燕營巢春去渾無緒晴
窓讀楚騷

雨夜

殘春風雨急日日閉柴扃自憐雙鬢白聊對一
燈青夜來情無賴愁深醉易醒破窓蕉葉亂枕

世不堪聽
計無陳
然彩袖長
舞如雲
薰蕕隔林
空閒居
蘭友
日日閉柴
窗
自對雙
鬢白
柳花一
一春花事
盡
歲月已
蹉跎
閣筆思
工句
鳴琴却
睡
魔性
踈
交物
寡
晝靜
下帷
多不
厭
巖居
寂扶
筇
過澗
阿
魚
未
紫
苔
滋
燕
營
巢
春
去
草
無
餘
韻
寒
過
田
家
淡
水
已
綠
茶
半
四
喜
然
鑽
出
苔
刺
棘
釀
熟
味
頭
酒
回
過
野
老
家
嚶
嚶
枝
上
鳥
燁
燁
露
中
華
入
饌
供
青
筍
傳
杯
沈
紫
霞
興
闌
新
月
掛
散
步
過
溪
斜
却
臥
岩
幽
西
溪
豈
肯
半
不
輸
武
韜
解

寄章仲玉

與君分手石橋邊
江上春風又隔年
岸草忽生遊子夢
梅花遙憶故人篇
闔閭城外從雲望
烟雨樓前待月圓
吳越相望應咫尺
相思莫阻鴈鴻傳

暮春携酒過黃氏禮石軒得石字

熏風轉南陸
殘紅曳郊陌
而我載酒人
招尋素心客
好鳥鳴深林
橫塘漲新碧
斜陽映溪流
微風動巾幘
白雲浮碧天
明月照幽石
醉我不知

還烟深村已夕
招玉山人

不見王珉久春來思若何
杖頭沽酒值谷口採
芝歌月照青蘿館風晴白
芾阿林間饒筭蕨待
爾一相過

有客過訪不值

寂寂蓬門下春風來友生不堪題鳳字無那聽
鶯聲庭際閒花落堦前碧蘚榮虛堂明月在
望不勝情

春閨怨

清晝園林啼鳥稀留春無那惜春歸離愁不逐
東風散化作楊花着處飛

暮春有感答所知

深巷絕經過門閒鎖薜蘿詩懷春更少酒債日
偏多燕子將鷓語鶯儔爲客歌不知嵇叔夜雅
調近如何

已外除夕

殘臘逼新歲宵餘尚舊年松燃今夜火竹爆早

春烟濁酒過村釀辛盤入野筵忽驚三十載世
事幾推遷

閒雲稿卷之二

一 加木梅墟山人周履靖著

採芝曲

山深多白雲樹杪懸飛瀑中有採芝人長歌行
帶索烟蘿縹緲遙躋攀清泉脈脈聲潺湲玄猿
古洞常哀嘯自是仙界非人間山頭嵐氣濕紫
芝大如笠振衣長嘯向天風拂石因之覽篇什
醉聽楚調碧雲中仙客相逢一長揖烟霞霏霏
滿林藪堪嗟萬物皆菊狗傲睨人間名利徒浮

雲變幻吾何有

夏日竹林閒坐

蕭蕭竹數叢涼飈襲林莽習靜高齋虛琅玕振
餘響倏忽驟繁陰悠悠足心賞一枕北窓間如
在羲皇上條然屏俗氛曠矣絕塵想茶烟散碧
空雲影飛羅幌唯諧素心人高談入玄朗

出塞

赤羽插兜鍪將軍出塞遊電光騰漢馬霜氣肅
吳鉤白雪千山曉黃雲萬里秋城南擊鼓動風

振朔河頭

其二

塞上龍沙合王師氣亦雄雕弓彎夜月長劍倚
秋空陣結天邊鳥營連海上虹漢南驕虜遁不
數貳師功

昭君怨

畫圖君未識薄命捻堪傷上馬含新恨離宮憶
舊粧朔雲沾淚濕邊月蹙眉長惟有青丘草年
年徒自芳

送王元美入曇陽仙館修道

三朝出入擅才華未老投簪卧紫霞
脫屣人間聊謝世希仙物外欲辭家
閉關親授曇陽訣採藥兼貽少室花
自是久懷禽向願相從何日飯胡麻

初夏即事

柴門長日靜花落一林風山色新晴後
溪聲過兩中簷巢留燕乳籬網訝蛛籠
抱膝長吟咏詩成不計工

夏日集盛敬山齋

兩過忽生涼高齋夏日長啣杯浮綠蟻
鼓瑟激清商修竹連雲翠芳蓮入座香
獨憐隣叟與携酒近東墻

送周後峯

之子弭歸棹當杯引劍看話殘銀燭冷
風悄客裘寒別緒一宵集高情兩地寬
檣烏愁入望渺渺暮雲端

寄葵陽黃太史

開雲秘 卷之二 五卷五三
含香仙吏玉堂英
華綬翩翩漢長卿
當代文章推左氏
清時辭賦重西京
傳來白雪人難和
譽出青雲誰與并
會見近開天祿閣
青藜夜夜照書明

壽百泉皇甫師

昔從藝苑攀花客
今識吳門採藥翁
華髮不隨飛雪白
玉顏常駐落霞紅
琴樽已入耆英社
詞賦應推漢魏風
遙指歲星長夜耿
還瞻紫氣滿江東

書坐

碧水浮蓮檻微涼
動竹枝野花凝宿露
風葉習晴絲漫擬閒
居賦高歌伐木詩
莫云長日靜鳴鳥
自相期

賦得竹深留客處

脩脩千挺玉爽籟
一林深翠色侵踈
簾清陰洽素襟子
猷堪寄傲叔夜愜
幽尋瀟灑淇園暮
涼風動客吟

賦得荷淨納涼時

避暑逃河朔誰知向若耶江妃步羅襪越女浣
溪沙露濕霓裳冷風香翠袖斜採蓮歌乍起涼
思入蒹葭

暑夜

松下堪逃暑悠然坐夜分風前移枕簟竹外散
氛氲宿草螢流火喬枝鶴載雲更殘星月皎萬
籟寂無聞

過白蓮寺

一入清冷境深溪跨石梁庭陰蒼蘚合閣影碧

雲涼蓮白泉猶白花香兩亦香靜聞清梵後俗
慮可相忘

關山月二首

明月照關山征夫擊刁斗相彼閨中人清光共
相守

其二

月落陰山暗匈奴半渡河征夫起想視錯愕不
敢呼

隴頭水

隴水一何急隴風一何多風吹逐臣淚流水爲
增波

折楊柳

楊柳綠如烟垂條何纖纖送君出東郭聊代繞
朝鞭

君馬黃

君馬黃如金臣馬黑如鐵永河那可渡雲山那
可涉

採蓮曲六首

荷花比顏色君道花多姿將花擲君前請君抱
花枝

其二

妾慙比花好君道花不如顏衰與花落君心復
何予

其三

碧葉如春雲素藕如春霜爲看花開日紅顏似
六郎

其四

妾貌荷花紅妾心蓮心苦荷花更有香蓮心只是苦

其五

折藕絲不斷揉花衣更香無端擲蓮子打散兩鴛鴦

其六

蓮葉綠可掬蓮花紅復嬌玉腕柔無力隨風嬾着橈

白門柳

如何白門柳空作青蘿色縱有千萬條不堪繫

江南弄

春雨長新苔春風撲面來江南三月景無處不花開

菱歌

水綠菱花香霜寒橘柚美羨殺蕩舟人歌聲出烟水

銅雀妓

二喬招不來雙雀飛不去回首望西陵蕭蕭但
烟樹

吳王臺

霞錦如衣錦花香似粉香回來歌舞地夜雨鳴
寒螿

巫山高

巫山一何高雲夢一何低高低不可望烟霧使
人迷

子夜歌

白日不再過缺月不常滿壯士聞鷄鳴起舞復
深慙

綠綺琴

偶携綠綺琴欲寫相思怨含情曲未終窗外飛
花綫

懊懷行二首

悲風夜西來怒號江頭樹愁殺江干人水深不
堪渡

其二

花開不來折花老空折枝如何折花人春盡無
歸期

宮月

明月本無情人間有歡苦東宮照莓苔西宮照
歌舞

秋江怨

江水從深淺江雲自澹濃蘭舟輕蕩槳不
去採芙蓉

上揚司馬應詔北司空排律一首

奕奕瞻山斗雍雍列上公冰霜清白操河洛鬼
神功畫戟明秋月霓旌捲朔風三朝崇德譽廿
載展勤忠曳履隨仙馭鳴珂繞玉駘儀刑仰四
海禮樂範東宮社稷匡扶重巖廊補袞隆高勲
著麟閣景曜企無窮

田居

欲屏寰中跡郊墟搆小廬不妨營日夕聊以托
村居時聽鳥鳴谷欣看農荷鋤送雲歸嶺岫帶
月灌園蔬得意哦新句無材任朽樗客來炊脫

粟僮去擊鮮魚莫謂囊無物還欣架有書但能
長壽考利祿本來虛

書懷

長日衡門晝掩深微風庭院轉槐陰閒來賸有
琴樽興老去惟餘泉石心狂夫接輿歌遠道懶
餘中散卧長林自甘原憲終貧賤委巷蕭條少
客尋

寄友

憶昔河梁送別時兩經春草隔佳期朱門俠客

幸賦馬茅屋潛夫白接離目斷北來秋後鴈心
驚去歲鬢邊絲不知何日思歸騎對爾同吟月
下詩

詠沈霓川存

百年堂肯構遺石尚從龍陟屺終思後羨墻未
慕中烟雲三島蹟文藻一家風奕世箕裘業悠
悠繼不窮

和沈觀察移榻

竹間開短榻林下寄閒人傲睨空孤眼婆娑老

此身枕聽黃鳥近庭轉綠槐新明月幽窓下偏
宜獨鶴親

和沈觀察七月望夕熟崗對月兼懷几軒長
公

扶策向林邊崗頭月正圓珠光浮湛露野色散
輕烟桂自秋中馥人從靜裏偏不堪懷遠意把
酒對嬋娟

村樂

十里江村隱者家幾椽茅屋傍溪斜須知力稼

丘中事豈羨浮名世上華曉霽虹收千嶂雨晚
香風度一林花西鄰野老成春社此日酣歸月
正嘉

初度

秋半逢初度江湖此日來膝前兒女幼髮上雪
霜催事業渾蕉鹿功名付草萊知非年已及心
迹憮寒灰

答文水文師

無人慰幽獨倚石撫孤琴忽枉山中叟遙傳雲

外音別時聞雅調歸後長蓬心若問林丘事烟霞夢已深

寄金華破瓢道人吳少君

若個買山錢誅茅古洞邊
羨君遺世意貽我采真篇
克茹岩頭蕨躬耕谷口田
江南春色早梅信望先傳

送別田十二

此夜故人別清罇可暫留
高駢尋故道落葉擾新愁
日送關山杳心隨漢水悠
西窓雖有月思

勸登樓

採蓮曲

蘭舟蕩漾平湖裏紅粧艷冶臨江水
一片波光似鏡明娟娟照曜芙蓉美
荷香不斷因風微柳蒲深深人跡稀
歌聲宛轉度芳渚鴛鴦拍水還驚飛
烟光散彩日欲晡錦帆遥遥隔江滸
却恐羅衣不耐秋還裁白苧牽衣補

過山家

策杖探名隱茅茨碧澗阿雜花當戶繞幽鳥隔

林歌風引泉聲細窓含樹色多憐君有高致我亦愛松蘿

睡起

寂寂幽窓夢覺初一簾花氣悶琴書坐來清書無人到愛聽黃鸝慰索居

長安寶騎篇爲李君實賦

旭日曈曈生紫烟百花晴洲春可憐驂駟蹀躞騁天路錦鞵玉勒珊瑚鞭鞭稍遙指長安樹樹色濛濛隔春渚一朝直上張騫槎萬載常通生

女渡女牛渡口逼銀河燦燦文光照碧波蓮花亂撲仙人掌羅綺新裁帝子梭梭去梭來錦色饒鮮霞翠靄濯江濤春雷午夜驚龍穴霽日啣輝識鳳巢穴龍巢鳳起天門詔墨濃香蚤被恩掛體宮袍雲氣潤爭先寶騎雪花痕寶騎青絲映御溝花開花落任東流水天儻有敲詩夢憶我江干老釣舟

馬駕懷七首

不識侯門貴甘爲石戶農衣裁秋後薜饌煮雨

前封無意看黃鵠多情慕赤松
生平山水癖麋鹿伴行蹤

其二

計拙違人意情踈處世疲
雲霞堪作伴筆硯藉
爲資興逸吟山月酣餘倒接甌
雄心今已矣雙鬢忽成絲

其三

不是封侯骨應知樗散材
甘心從木石屏跡翳
蒿萊梅種孤山玉綸垂
嚴瀨臺野人機已息鷗

鳥莫相猜

其四

阮藉愁何在因知轍跡窮
雄消湖海氣性任馬
半風春醉花間月秋
怒菊下叢無人識此意矯
矯寄冥鴻

其五

少年不解事氣俠五陵豪
偃蹇嗟時命蹉跎感
鬢毛明月照茅屋涼風吹布袍
經旬不到市閉戶讀離騷

其六

自甘巖穴下嘯傲一壑間
白雲寄幽躅丹藥駐顏顏
慮澹何希世身閒且對山
半生空碌碌倦鳥已知還

其七

守道存吾拙遂與世俱違
門靜雲來慣家貧客過稀
青山成隱癖瑤草解忘飢
欲學原生志甘爲百結衣

草堂即事

空齋寂寂鳥鳴時
門徑無人苔蘚滋
林靜茅堂眠晝永
庭寒花樹發春遲
厨分餘粒供雛鶴
篋剩殘編讀舊詩
自信疎慵違世用
且傾杯酒向東籬

間徐潤卿西行見寄

不見徐卿久相思
勞夢魂君能乘剡棹
我已守衡門
寄興憑花鳥
寬愁任酒搏
何時還策杖
白苧是吾村

夜吟

朝雲高

卷之二

七卷之三

開亭和 卷之二 七五五
白日苦不末秉燭忘更深蛩聲四壁冷月色一
庭陰吟處燈花落酣餘刻漏沉松窓坐不寐曠
矣竭來心

詠僧房古雙樹

亭亭雙樹起鬱鬱野烟封老榦偏巢鶴危枝欲
化龍霜清存節古月冷羃陰重僧臘經來久生
公此寄蹤

君實姪讀書白苧村

苧村五里暫誅茅松桂春深紫翠交映雪莫遠

孫氏志草玄何解子雲朝慙余樗散終投壑羨
爾騫騰豈繫匏佇看南湖春漲暖雲雷指日起
潛蛟

和遊善卷洞二首

躡屩探仙境烟霞幾萬重澗邊瑤草合洞口白
雲封怪石蹲如虎長松偃似龍靈砂無覓處丹
竈有遺蹤

其二

藤蘿蔓古道別是一丹丘白鹿花間過青霞松

際浮澗泉行處急石磴坐來幽忽聽簫聲起仙
家近倚樓

和遊天窟洞

何年鍾異窟竒絕出天工日月開圖象烟霞鎖
洞宮泉飛如噴雪松響自含風此日尋幽憩蕭
然俗慮空

遊王杞縣湖上園亭

窈窕亭臺控紫烟迴峰疊嶂俯晴川人間不隔
三山境塵世今開二酉天水接澄湖通曲沼竹

連幽徑瀉清泉高陽逸侶時相過詩酒歡歌帶
月還

暮歸

野色暮蒼蒼投林鳥宿忙隔溪漁火映何處笛
聲揚舟起長風度人隨明月光應門孺子待把
酒攬匡牀

漫興

釣罷清溪看罷山且隨孤鶴伴雲閒生平巖壑
從吾好竹裏梅花屋兩間

月上踈簾帶晚霞微風吹落木藤花幽人覓句
渾無語宿遍池塘幾樹鴉

遊仙

鐵笛橫吹鶴背遙碧雲天外數峰峽羅浮山上
梅花落無那隨風作雪飄

宿東郊田舍

清夜過田家蕭然出人境殘霞散碧天落日叩
蒼嶺邀我草堂問月照松蘿影鳥栖芳樹深犬

吠荒村冷濁酒情易酣豈辭良夜永而我醉無
歸留驩惜餘景

沈觀察避喧山中

暫辭金馬門高蹈誰能酬屏跡閱夕山烟霞入
冥搜往來謝塵鞅世遠心悠悠眷言樂終日安
坐觀沉浮靄靄窓前雲泠泠石上流清齋理水
絃一曲松風幽甘與木石居心偕庶永儔無爲
契玄靜有道企前修逍遙巖谷間何異蓬萊遊
過西關訪耶溪上人菴

陳

下僧舍

愛爾清修勵壯心蕭然一室寄禪林編竹
攻以夜讀借慈燈惜寸陰花發祇園揮藻翰月
明梵宇淨幽襟秋來桂子天風度好振鸞霄萬
里音

贈章仲玉

吳下重逢子墨卿詩家五字號長城知君鐵畫
應無敵克捷人間筆陣兵此君善剗刷

過精嚴寺

開雲稿

堪羨

千古靈光寺樓臺倚碧霄鐘聲時隱隱幡影日
森寒鶴舞松間石僧殮竹下歌幽懷堪自適一
榻白雲饒

月下與張山人聽琴

冰月臨虛牖清商動石林乍疑流水調翻聽老
龍吟萬木澄秋色千峰翳夕陰平生幽曠志若
知音

非微河影見清淺竹梢度涼風不覺煩

逃禪何必問廬山西水津頭叩竹闥禪觀六時
塵劫盡心明一點佛燈開客來已過齋鐘後鳥
下猶聞法座間最喜摩尼珠尚在夜深光照客
途還

遊三塔寺

凌虛朱閣偶來登鴈塔青霄逼幾層龍去千年
淵尚在松高百尺翠猶凝殿明長照然燈佛日
落初歸乞鉢僧我亦閒來依靜域心更欲理
三乘

心遣

題畫四首

茅屋傍烟霞臨溪幾樹花不知塵境外別是有
山家

其二

山空飄榭葉石隙露雲根鳥集溪邊木人歸烟
外村

其三

古寺溪橋外孤帆烟水中江雲迷寺樹鷗鳥伴

漁翁

其四

樹密青山合，雲深鳥不飛。
如何採薪者，薄暮未言歸。

郊墅雜興四首

十里湖光好，群鷗傍渚沙。
青門瓜五色，玄圃樹三花。
豹隱南山霧，星懸處士家。
村居聊習靜，久矣謝紛華。

其二

生計貧仍拙，愁懷老漸增。
無心堪應物，有髮解爲僧。
山聳無聲畫，星懸不夜燈。
昔人有遺照，罄折我何能。

其三

夙耽丘壑卧，甘與鹿麋親。
年華星髮改，生事石田貧。
世路悲難合，人情豈易真。
平生拚縱酒，潦倒自全身。

其四

山林有清况，茲復載陽時。
舊巢喧乳燕，新水漲

平陂地迥心逾靜
人間日更遲
幽栖吾自適
何解世人知

晚望有懷

同心不可見
雲樹兩茫然
以歲云暮
婁其月正圓
風塵吾欲老
詩思子猶玄
好寄南來鴈
音書莫杳傳

藕絲詞

憶郎渾似藕絲深
藕絲不斷牽妾心
安得常如蘿薦蔓
纏綿永結松枝陰

宮詞

寂寞羅幃夢不成
忽聞別院按歌聲
瑣窓獨坐憐孤影
惟有梨花伴月明

其二

珠簾半捲月侵牀
漫撥琵琶曲意長
滿地白雲人不見
一庭疎雨杏花香

江南竹枝詞四首

夜來時雨溢春田
江上蘼蕪遠接天
青笠綠簑雙跣足
桺條帶雨串銀鱗

其二

村南老婦鐵搔頭，臯縮唇犁項。上癩笑指紅顏，採桑女。吾家新婿已封侯。

其三

梅雨秧田綠正舒，桔槔終日掛庭除。妾在房中剥白繭，郎從海口販黃魚。

其四

黃苳滿畦菱滿湖，問君生計不須圖。黃苳先償李家債，菱錢欲抵張家租。

獨坐

野人寂無事，一室自蕭閒。歲月青山裏，琴樽碧水間。浮雲秋易變，落日鳥俱還。何處吹長笛，悠然獨掩關。

辛巳除夕

梅柳傳春信，冰霜易歲華。物情看漸改，霜髮惜交加。綵勝裁春帖，青燈剪夜花。一樽聊自適，簫鼓幾人家。

挽百泉皇甫師

開雲稿
大雅淪亡後詞林已失君人皆憐宦跡天已忌
斯文丹壑成長夜青山慘暮雲風流不可作四
海有名聞

挽冬溪澤上人

五燈傳淨上隻履向西方寶偈藏虛室鉢衣付
古堂秋風淒錫杖夜月冷禪牀莫道旃林寂猶
餘苾草方

閒雲稿卷之三

嘉禾梅墟山人周履靖著

入塞

奏凱旋胡地鳴笳入漢關清霜刁斗靜朔雪鐵
衣還鳥陣旌旄外龍沙鼓角間單于已空壘萬
里勒燕山

閒雲館漫興四首

披襟娛未日山翠雨初過小院花爭媚晴窓鳥
自歌雲冠裁紫籜野服紉青蘿幽意誰能識閒

居葆泰和

其二

溪水碧栏深山雲澹若空閒庭浮爽氣淨几拂
清風丘壑情相洽池塘夢已通晚來成獨酌新
月掛林東

其三

倚杖入郊墟看雲意自舒平沙落鴻鴈清水映
芙蓉亭午風初靜林秋葉已踈南榮堪偃息不
放酒尊虛

其四

一林紅葉徧千里白雲漫霜氣侵衣薄蛩聲入
砌寒黃花能遺興綠酒自成歡中散真踈懶年
來不著冠

秋懷

秋懷意不極抱病獨悽然霜深千林葉風鳴百
谷泉客衣涼白苧鴈影落青天忽有登樓興空
懷王仲宣

秋夜泛湖

鳴柳過鶴渚載酒入烟蘆
淨溪容澹霜寒月影孤
城臨梵王寺樹繞范公湖
自笑狂歌者高懷此夕俱

郊居

欲屏塵囂跡移家住白雲
情閒調野鶴味澹煮香芹
春到梅枝好秋來菊蕊芬
興餘還自酌不覺醉斜暉

秋夜懷奉常沈少河

兩過空林夜氣清
星河耿耿月盈盈
天衢露淨

聞仙樂禁漏風輕出帝城
鴈信杳逢關塞影霜砧頻動越江聲
詩懷高鶩青霄上莫道年來太瘦生

寄荅百泉皇甫師

河梁惜別兩經秋何限梅花動別愁
一自玄亭歌對酒幾回明月夢
登樓釣船獨鶴誰同載詩草
名山師自留忽枉瑤緘傳郢調
泠泠白雪遍

滄洲

秋日詠懷

開雲和 卷之三 十一卷三
江郭秋來雨色深蕭蕭黃葉滿疎林采真何處
尋三秀抱病閒居戲五禽一壑琴樽宗炳志十
年詞賦左思心遙知桂樹淮南發招隱誰人廢
苦吟

贈鹿門茅夫子

早時詞苑擅聲華海內文章屬大家訪客夜乘
茗水月揮毫朝染赤城霞耆英在作南皮長賢
聖杯傾北海賒媿我登龍非謂晚不辭問字
侯芭

答沈繼山太僕

結屋閔烟蘿栖遲歲月何門前轍跡少林際鳥
聲多詞客貽佳句山人引浩歌梅花全欲放明
月望相過

秋懷擬陶

棲遲三徑間况值黃花節清露浥芳叢涼飈吹
欲徹坐弄無絃琴傷彼知音絕好鳥拂簷過閒
雲當戶列永懷陶徵君千載尚高潔

秋日郊外偶逢徐龍臯同過玉樞觀煮茗談

秋高木葉踈霜老楓林赤蕭然徑路幽杖策經
方澤時過小橋西忽遇南州客翩翩拂流雲宵
宵青溪宅洞門晝不扃庭鶴閒翩翩願然雲水
姿曠矣囂塵釋何當絕粒思欲往師黃石古壇
誦陰符閒房煉梅核呼童覓松枝淪茗供談席
曠朗志相諧習靜意莫逆送我出桃源日落村
烟碧

過周幼海群玉山房

將翊修篁徑求羊此共居琅玕千挺碧寒翠一
窓虛隱几清風滿臨池爽氣餘我來因問字秋
色遍庭除

荅鄔山人汝翼

天際殘霞散遠岑江城幾處動秋砧雲間忽下
青鸞信郢上遙傳白雪音萬里遨遊期汗漫一
緘書札信浮沉遙思北固山前月何日移舟共
醉吟

望湖樓秋集

高閣平臨湖水頭澄波萬頃接清秋晴巒盡向
 天邊出彩鷁俱從鏡裡游映座鮮雲堪作幙入
 簾新月乍為鈎凭欄自覺滄溟近滿目飛霞散
 十洲

秋夜不寐

明滅蘭缸火淒涼夜不眠秋聲黃葉外清夢白
 鷗邊歲月渾無緒山林信有緣此生甘寂寞不
 學楚囚憐

寄襄上人

春風歸杖錫白露忽經秋欲問無生偈相期泛
 海舟禪心明月在衲影碧雲流何日天台約芒
 鞋度石頭

七夕

天上雙星夜人間七夕秋河梁靈鵲度仙駕綵
 雲流傍月迴雕扇凌霞結綺樓殊憐此宵意稍
 慰隔年愁

清秋野泛

秋江水碧淨連天時有幽人載月還一曲滄浪

歌未歇沙頭驚醒白鷗眠

懷隱

生平性癖在烟霞欲賦閒居興自賒買斷溪南
三畝宅數椽茅屋傍梅花

秋夜嘆

幽閨沉沉月光吐碧紗籠窓若烟霧回文錦字
織不成冷落中懷與誰訴花深露重月影自空
堦冷鶯鳴蟋蟀誰云河漢有牛女咫尺可望不
可即

黃靜叔夜至

一別忽三載鴻泥迹屢違秋來江上棹夜扣竹
間扉榻下流雲滿燈殘刻漏微情深話忘久斜
月過窓輝

借宿漁家

薄暮涉江鄉漁家竹裏藏簑橫釣船上網掛野
籬傍月出林榆白霜飛岸柳黃何當孤客夜一
枕寄漁郎

遇徐潤卿言懷

深秋步郊墟邂逅山陰客握手欵荆扉歡然叙
離隔懷抱與君同所恨塵縻迫百年能幾何歲
去不復得長揖謝時人嘉遁誠高策三徑蔣生
園五柳陶公宅露葵朝可殮脫粟時堪食偶諧
平生心懶蹈世途迹樗年苟得全期君就三益
談笑忽兩忘烟深徑欲夕相送過溪橋東林月
初白

夜坐聽雨

飄風朝捲屋急雨暮敲窓獨坐生秋思蕭然對

夜缸

題畫二首

石壁曳停雲幽林繞竒樹中有學仙人不知朝
與暮

其二

江上霧濛濛無風自成雨
枝頭鳥不鳴隔溪人
欲語

觀泉

潺湲石間流盡日恣探賞欲覓源頭生須登千

何上
月夜飲烟雨樓坐有應舉者

挾客泛滄洲重登湖上樓金波方浴暈白露正
橫秋月朗樽堪倒風輕水不流銀河如可攬還
向廣寒遊

秋日過秦川海門寺

野寺栢森森清秋喜獨臨蘿緣幽徑轉葉落古
臺深日照雙幡影雲流一壑陰欲尋支遁侶清
夜扣禪林

懷仙

俛彼寒岩松鬱鬱何青葱盤根抱竒石孤標摩
蒼空余欲奮幽志卜居寄崆峒服食茹紫芝披
霞騎赤龍願言結玄侶雲深尋葛洪

感懷

壯志俠少年長懷出塵表僂俛在功名淹留類
牛阜失意遂歸來脫屣不旋繞青山諧素心白
日恣幽討茹蔬固莫辭甘爲丘壑老元亮我所
師幽貞願相保但恐霜霰侵奄忽同枯槁

登湖天海月閣
傑閣凌青漢
窓虛爽氣流
水搖雙浦月
雲接四山
秋齒落紅浮
渚蘼蕪綠滿
洲曾聞范相
國於此汎扁
舟

秋日山齋

商飈颯颯動林隈
長日衡門翳草萊
一榻新涼秋乍至
半窓虛白月初來
山中紉蕙成春服
海上流霞泛酒杯
莫道嵇生耽嬾慢
性同猿鶴卧蒼苔

秋思

颯颯涼風吹客衣
天涯游子思依依
關河候鴈秋方度
鄉國懷人書未歸
日暮寒砧催逆旅
夜深明月照孤帏
不禁四壁吟蛩起
愁絕空山獨掩扉

秋日過張伯容幽居

不到清溪久
其如逸思何
竹間人獨卧
月下客重過
掃榻雲陰護
啣杯月色多
知君振竒藻
郢雪自成歌

壽懷莊表兄六袞

大隱仍耽市溥風古逸民棣華同樂歲甲子載
過晨式穀承先業傳經啓後人緣知蘧伯玉心
化已超神

夜投僧舍

風露濕秋衣來敲僧舍非鐘聲沉澗響月色照
人輝蓮漏更初靜禪堂燈漸微蒲團聊可坐一
宿想皈依

夜雨詠懷

幽砌響寒蛩空林落葉風更殘人不寐愁入雨
聲中

秋日園居擬次皮陸臨頓里倡和十首

林紆三畝竹地有一廛居屢過門間客曾留竿
上書坐邀中聖酒盤出在瀟魚藹藹芳堦草應
無排藿車

其二

林泉與山谷隨地可誅茅川媚珠常韞松深禪
自巢求信殊類獲渡落偶同匏盡日宜端坐涼

陰雜樹交

其三

清風披短褐白日據胡床
辟穀希松子全生事
藥王溪深行跡鮮
樹暝宿禽忙大隱何妨隘城
迴十里疆

其四

落葉時將改鳴蛩候
已知晚蘭仍可擷
庭桂有餘姿望野
捻成趣看雲有所思
吾廬修竹好宜
詠衛風詩

其五

綠蔓穿山竇清風滿竹扉
鳥鳴欣傍枕客至嬾
披衣露冷山楓落
巢空社燕歸自憐吟思苦
秋色轉霏微

其六

徑僻有携杖門閒無過車
樽中不虛酒籬下又
逢花地隱同愚谷池開
非習家寒香如可贈聊
以代胡麻

其七

開雲和
卷十二
荷亭暑方退菊徑秋欲殘誰結王生鞵羞彈貢
氏冠灌園甘抱甕釣水且投竿日有青衿子從
師禮杏壇

其八

黃葉時飄徑白雲秋滿天苔深堪狎鹿樹冷不
聞蟬虛室能生白澄心欲入玄月明梧畔井疎
影落寒泉

其九

清秋疎雨霽衰柳閉閒門竹覆簷前影藹

上根鳥驚雲入樹魚躍兩翻盆賸有床頭帙從
教課子孫

其十

浮雲憐變態猿掬臂復何能既適自焚樂寧論世
道憎書將魚代寄車讞鶴來徵濁酒從吾醉頽
然自曲肱

和中秋泛月二首

人間此夕月初團萬里瑤光射碧瀾鵲影南枝
時宿冷笛聲何處夜吹寒香分桂子風前度水

出芙蓉露下溥把酒高歌乘逸興醉餘猶向夜
深着

其二

蘭橈試泛碧湖頭瑞彩涵天一鏡流千里共憐
今夜月幾人同笑昔時樓樽前醉倚青萍氣扇
底歌翻白苧秋縱飲何妨歸路遠麗譙不覺促
更籌

南津曉發

曉路客舟行城頭月尚明蓬窓侵露冷帆席任
風輕序鴈空中度荒鷄野外鳴却怜行役者霜
色鬢邊生

江上

一葉輕帆江上流依依雲樹望中稠涼風野店
炊烟起落日山城露氣浮夢破蓬窓今夜月愁
成霜鬢隔年秋停橈欲向漁郎問何處滄波好
繫舟

西湖歌

十里西湖景絕奇兩峯秀出如蛾眉六橋春暖

笙簫沸三竺烟深紫翠迷桃花如錦柳如線聯
翩彩鷁相追隨朱門公子金勒馬雕弓挾彈恣
遊冶清歌妙舞競繁華紛紛盡是豪華者客子
年年芳草堤遊人日日醉如泥青山依舊水仍
綠可憐花落鶯亂啼

孤山慨古

幾樹梅花繞石扉暗香風外襲人衣千秋處士
名猶在不見亭前白鶴歸

吊岳武穆墓

共識忠臣墓英靈奕世傳
非聲嘶鐵馬怨恨入
啼鶻細雨薜蘿外
淒風怒榆前
平生懷古意有
淚洒巖泉

山行

萬木蒼蒼繞碧山禽聲不絕
翠微間白雲深處
無人到時有樵歌日暮還

訪李岫嵒

自別仙翁久春風數載違
偶不湖上棹重扣澗
邊扉瑤草侵堦碧丹爐伏火
做十年塵夢客到

此挹清輝

自登天竺

松迴三竺路迢迢
殿閣崢嶸架泱寥
客到上方齋後
磬僧歸幽徑
雨中瓢捫蘿
漸躡高峯迥
漱石旋隨碧澗
遙興洽已忘
歸去晚愛看
明月過

溪橋

寄天台褚霞峯

知君高卧在天台
回首桐江即釣臺
正是風光三月暮
不教春信一枝來
朝餐自秘烟霞訣
野

服旋將薜荔裁
他日相期過洞口
桃花深處且

啣杯

山行

行行山不盡處處
愜幽尋覽勝寧
辭遠逃名不厭
深野猿啼夕照
山鬼嘯重林何
事牽行役霜華
兩鬢生

聞鐘

何處寺鐘清寥寥
八百聲霜空隨
鴈度月曉促
鷄鳴頓醒人間
夢能催客裏程
凝然孤枕聽於

此悟無生

登白嶽

鬼鬼白嶽與天平歷險攀躋
謁上清絕壁千尋
凝翠色飛泉一夜馮寒聲
洞門雲暝龍常卧殿
閣風高鶴自鳴今古烟霞
勝迹欲從此地學
長生

登白岳捨身巖

捨身巖畔白雲重松栢陰
濕翠濃回首上方
仙樂近忽從風雨過群峯

白嶽訪松泉黃羽士

一徑入桃源蘿陰翳石門松

時隱鶴洞古日

攀猿碧草紉春服青霞當晚
殮欲求養生術來
此乞玄言

飯白岳張海雲羽士山房

遁世已無譁茅堂薜荔遮
玄經披几淨青嶂逼
簷斜麋鹿常爲伴烟霞
即是家山厨供野饌薇
蕨有新芽

訪青崖張煉師

鬱鬱蒼松依碧山樓真岩下隔塵寰采芝石上
 呈三秀煉液爐中出九還壇月步虛招白鶴海
 霞餐就駐紅顏已知久授桐君錄欲問長生遠
 叩關

遊白岳山與松窩子百歌道人聯句

一天秋色淨松萬里白雲空百高歌天地外梅

結侶烟霞中松臨臬迎野鶴百拂袂御天風梅

顧影我獨瘦松掀髯爾何雄百明月涼可掬梅

危峯窈難通松行覺荷衣爽百坐令蘿帶鬆梅

願言協心志松誰能躡高蹤百乞我一刀圭梅

遲子千仞峯松苔滋龜背綠百松潛鶴頂紅梅

談玄心自逸松吟句字還工百引領望三島梅

携琴訪八公松斗柄回將北百鐘聲來自東梅

夜闌興曷已松何時復相從百

寒夜晤襄上人山居

一入青蓮宇俄生習靜心經聲聞永夜月色玩

幽林殘雪寒侵褐踈風暗響琴坐餘成妙想刻

燭已忘深

天台黃說仲見訪

一徑破蒼苔孤扉為客開
喜逢湖海士共泛菊花杯
劍拂寒星色歌翻郢雪才
知君鴻鵠志不受野鷗猜

偶題

自適丘園性因成懶與踈
坐依行處石眠枕讀殘書
明月三杯後清風一榻餘
眼前無長物山色在吾廬

夜與故人別

西窓通夕話明月在孤松
別緒惟憑酒離情祇聽鐘
江帆飛萬里雲樹隔千峰
猶恐相逢日浮生似轉蓬

夜坐

幽坐南軒久秋來梧葉初
風聲入戶爽月色印窓虛
靜慮忘諸趣澄心得晏如
一燈相對坐不覺已更餘

冲溪彭師夜過

自分冥栖久蓬蒿沒徑深
浮生耽懶慢上客愛

招尋月照清樽影風迴綠綺音夜深頻剪燭慷
慨一論心

山居即事

性本愛巖居朝來髮懶梳竹聲茶臼冷雲影草
堂虛獨坐喜垂釣閒眠或枕書山中少隣並來
往只樵漁

寄朱文夫

秋聲一夜入梧桐黃葉紛紛亂舞空月有清輝
臨北牖客無芳信附南鴻十年湖海懷長劍

里烟波逐短篷與爾相期携手處鱸魚江上待
秋風

寄贈徐山人

不識南州處士家胥山山下碧溪斜茅堂古樹
容君隱白石清泉隔世譁十載交游虛歲月一
緘書訊托烟霞何時杖屨來東郭把臂重論秋
水涯

狂夫

狂夫癖性愛村居傍竹誅茅結草廬抱甕且供

三畝藥給錢聊蓄一池魚山中自釀宜春酒窓
下閒抄種樹書忽報早梅開隴畔蹇驢衝雪訪
樵漁

鍾君惠白菊賦謝

空齋九日渾無賴未着籬邊一二花喜有故人
貽白菊先分秋色到寒家月明靜夜香堪挹枝
傲清霜艷轉嘉欲學淵明耽玩賞且將杯酒閱
年華

秋日送蘇晉卿還楚

秋盡長江落葉空故人臨別恨無窮一樽酒
吳門月千里帆開楚澤風湘水春餘孤客怨桂
花秋滿小山叢他時尚有相思處尺素還憑候
雁通

贈蔡將軍

先朝萃冑冠江東獨羨將軍胆氣雄錦帳夜開
湖渚月牙旗晴捲海門風弓藏曉霧狼烟淨劍
拂秋霜朔氣空國士未須投筆志請纓還許建
奇功

寒夜

寒宵獨無寐，虛室坐來清。
笑看燈花落，蕭然秋思生。
踈櫺風悄悄，孤榻月盈盈。
忍聽寒蛩夜，悽悽不耐情。

頌顧侯二首

試宰臨嘉邑，聲名卓魯同。
棠遺百里蔭，麥秀兩岐豐。
聽訟鳴琴重，敷文製錦中。
漢廷推侍從，簪筆待乘駟。

其二

自佩銅章至，絃歌閭里歡。
琴彈官閣靜，花繞訟庭寬。
霖雨千郊澤，仁風萬井安。
五雲頒紫詔，鳴珮上金鑾。

贈別郭次父

孤舟送歸客，把袂惜幽期。
濁酒歌明月，青燈論舊詩。
幾年春草夢，千里暮雲思。
別恨那堪道，斜陽碧水湄。

江行

遠水秋江淨，長天落照明。
雲隨歸鳥急，風逐去

帆輕樹裡橫孤驛山前控古城扁舟栖泊處一
望暮潮平

京口夜泊

旅棹泊江頭潮聲傍枕流江村明月上沙渚澹
烟浮荒草寒沙渡平林古驛樓蕭蕭風露夜客
思倍傷秋

涉江風雨感懷

江濶波濤洶方知客路難凍雲迷遠岫急浪湧
危湍石燕飛朝雨江豚吹夜寒沙汀問鴻鴈何

日到長安

登茅山

躡屩攀仙嶠烟霞兩袖携
擘搖日麗樓閣控雲低
水接三江近山連五岳齊
登臨當紀勝石壁寫新題

吊岫嶠李山人

山人忽羽化白雲空滿山
泉聲猶咽澗鶴唳尚
悽關貌肖烟霞古編遺
玉洞爾忽聞隣笛起
惆悵夕陽間

挽項墨林二首

論交三十載每憶項斯賢典徵雲林筆間逃雪
竇神硯凝蚪蚪蹟爐散麝蘭烟遺墨人爭賞芳
名使後傳

其二

志逸耽嘉遁神遊翰墨場嗚呼鴻漸癖臨帖素
師狂案冷商周鼎詩追漢魏真元歸大化高
譽世難忘

壬午除夕

歲月忽三邁年華又欲除笙歌城市沸燈火草
堂居野外梅花早杯中竹葉餘新情兼舊况還
向此宵攄



閒雲稿卷之四

嘉禾梅墟山人周履靖著

獨遊

散髮步郊墟
溪光瀉雲影
頽陽下清川
餘光藹烟景
飛鳥歸長林
樵歌起幽境
松風何蕭蕭
吹我葛巾冷
超然意無違
山月漸耿耿

君不見

君不見畢吏部
左手持螯
右把酒
又不見陶荆
州日日運甓
臨牀頭
人生得意貴
行樂何用勞

勞空自謀鏡中朱顏昔日妍今來憔悴霜滿顛
麟閣功勳有誰在鳳樓歌舞幾人傳看花兩眼
淚向月徒酣眠有酒不能飲行營萬井田田家
辛苦心計粗歌兒不置置牧奴一朝黃土覆君
面空使山鳥啼葫蘆君不見日西徂

詠松

矯矯凌雲幹亭亭偃蓋松孤標持漢節高爵受
秦封蒼雪飄春澗寒濤浴晚峯曾聞偃佺採服
食隱崆峒

詠竹

戛戛碧琅玕條條學鳳翰自存君子操不向俗
人看淇澳清風滿瀟湘暮雨寒蔣生三徑僻求
仲得盤桓

詠梅

驛使傳春早先從庾嶺開雪深高士卧月白美
人來香入羅浮夢詩憐水部才莫教羌笛弄零
落思徘徊

詠蘭

蘭

九畹分幽質深林獨抱芳碧雲凝暮藹華露漚
秋涼欲擷騷人佩能遺王者香謝庭多振藻芝
草並輝光

喜李君實得子

藍田時種玉今喜茁芽新瑞氣融和日祥雲慶
吉辰丹崖飛鸞鶯天府降麒麟此日賓朋集爭
看掌上珠

撫琴

新月上簷楹寒光映脩竹夜靜人自閒張琴寫

幽獨清風振長林流泉響空谷舉世寡知音颯
颯閔茅屋

和沈觀察遊石亭山庄

山家邀客釣槎頭投轄高情信宿留白日傾樽
如北海清風下榻擬南州松間月色鳴玄鶴竹
裏琴聲寫碧流自是孟公多逸興飄然巾幘傲
林丘

懷仙詞

振策凌蒼巔步屨尋仙跡玉露浥璠枝青烟散

林陌松深鶴夢寒山曠鳥聲寂溪流鑿人清飛
雲當戶白靜養性中天長歌激虎瀑琴調流水
音衣帶空青色閒採紫芝英欲跨綵鸞翮優游
隨所之自與塵囂隔

曙天上人見過賦贈

乍辭天竺寺杖錫遠來尋一晤無生話悠然出
世心鉢龍歸呪水慈鶴逸禪林何日離塵網還
來叩竹深

題玉林王羽士丹室

羽客栖真處清虛絕世氛爐中涵汞火衣上繡
春雲劍拂青蛇色書縑寶篆文閒來調玉軫一
曲駕南薰

和沈觀察項幼安見訪熱崗相與清談留連
信宿喜而有作

高人開竹徑求仲得相尋白日耽玄覽清風洽
道襟堦前流水碧坐外落花深晤對淹清夜雄
談爽客心

和沈觀察遊張公洞四首

萬壑翠相連猿聲繞樹巔松花飄似雪石壁擁
如蓮窈窕藏雲屋空明隱洞天我來探絕勝衣
袖攬雲烟

其二

岩深蒼蘚合洞暝白雲吞鶴慣巢松頂藤偏補
石根三生緣不斷千古勝彌尊無那鶻啼處殘
春欲斷魂

其三

穿巖復探壑石罅漏晴光竹覆寒潭碧蘿緣絕

空蒼谷深因識鄭洞十只名張坐久閒花落紛
紛點客裳

其四

誰道仙源隔招尋有路通白雲封玉洞翠壑嵌
珠宮樹結千年實梁飛百尺虹一瞻幽絕界消
盡客心雄

題陶甄卿游息庵

十載蒸都遊俠情風流絕似棄襦生歸吳早就
藍田業作賦先傳洛社名寶劍夜光迴斗柄彩

毫春色動江城知君逸興凌霞表叢桂秋陰好
記盟

王山人移居郊外久不晤對賦此招之

羨爾遠城郭高蹈居江村蒼苔滿幽徑綠蘿掛
頽垣長松覆茅屋曲沼沿溪源琴書盈竹榻橘
柚繞蔬園坦夷存素志靜默養真元我亦愛蕭
散誰能屏囂喧微風動虎牖明月臨柴門緝芟
還成服煮葵聊假飡不貪恒自足無爲道自尊
高懷嗣逸響雅誼存清樽我欲移蠟屐恐破青
苔痕白雪侵短髮寒風委芳蓀倬彼秋菊英含
蕊傲霜軒期君促膝飲高齋晤清言厭厭莫辭
醉良以友道敦

和沈觀察雙河道中

一望雙河上悠悠雲水生岍花香細細谷鳥語
嚶嚶夕照移帆影兼程問水名前村燈火起山
犬吠柴荆

寄潘長白

一卧雲間榻別來經幾秋腰橫三尺劍身向五

湖遊夜月青簾舫春風白布裘莫耽行處樂已
忘故鄉疇已

大卧榻

地僻人堪隱居幽興自賒借書過僧寺貰酒問
隣家對月還吟桂當鑪漫煮茶閒來多懶慢一
榻傲雲霞

虛臺王羽士同二三方外見過四首

青谿來逸客振策到柴扉拂塵談玄爽焚香裊
篆微雲林堪卒歲薇蕨可充饑長笑辭歸去千

山暎落暉

其二

忽聞青鳥使來自赤松家屬躡千山雪衣披五
色霞袖中携紫籙笑裏講黃芽知爾遊方外相
從泛海槎

其三

身在終知幻心虛始悟真養鷄逢甲子抱犢守
庚申鼎內陰陽合壺中日月新他時龍虎伏舍
筏度玄津

其四

不識浮丘伯眉間秀色滋餐霞清五內服食去
三尺白日常調鶴青田自採芝玉臺明月夜誦
徹步虛辭

靈鵲噪

憶昔與君晤好鳥花間鳴問關向林旭能令春
事貪浮名萬里京國遠一朝離別輕徘徊深閨
月夜夜傍愁明關山路杳邈妾夢安足評清晨
不靈鵲忽作簷前聲攘攘意未定似聞車馬輦
心眉欲爲展主恨猶未傾悠悠竟飛去寸腸荆
棘生天涯誰可到我心如搖旌何時一尊酒同
聽枝上鶯

送會稽史肖山之京二首

蘭亭瀟灑客策馬動輕塵杯酒一管月關山千
里人壯懷俱仗劍別淚共沾巾羨爾遨遊志慚
余潦倒身

其二

不忍攀河柳誰堪上馬情
巖生濁酒今宵別離懷此日傾樽思頻入夢迢迢隔燕京

送僧歸山

去住本無定豈爲勸遊歸
林從滄海渡錫向白雲飛
問法留新偈回流送落暉
千山渺何許烟靄暮霏霏

徐潤卿見訪

相逢徐穉與偏豪巖壑誰稱二隱高
萬樹梅花供弄笛一庭蕉葉助揮毫
月明孤鶴臨軒舞風細瑤琴倚石操
莫謂村家少兼味牀頭喜有舊松醪

送曙天上人過金壇說法

不住沃州家飄然雲水涯
禪心本無住到處演三車
揮塵天花散觀禪寶月華遙知傳偈後
功德遍恒沙

和沈觀察遊玉女潭

層巒窈窕隱仙臺玉女凌風向此來
滿壑寒濤

松奏響一天清露鶴飛迴雲流靜畫丹楮集月
照空潭寶鏡開躡屩不辭耽勝覽興餘斜日坐
蒼苔

詠雪

朔雪漉漉下飛花六出零梅添新蕊白竹城舊
枝青野岫迷高下滄洲入杳冥欲追王子與剡
曲試揚舲

山齋雪霽有客携樽見餉

朔風吹雪遍郊肩積素凝華萬里明徑外行人
微有跡樹頭栖鳥冷無聲漫將松火烹茶熟
取蘭英瀉酒清莫道子猷偏盡興夜深鷄黍
人情

晚步

晚向村前步涵山落照晴牧童臨水渡栖鳥傍
林鳴入坐松飈細當窓蘿月明競歸漁父棹款
乃一江聲

寄懷友人

一別音容已隔春如何魚雁久沉淪白雲望斷

天涯目芳草頻傷夢裏神客路春光堪共惜燈
窓夜雨向誰親相逢未卜知何日忽動相思淚
滿巾

詠漁

笠澤簑雲計未窮釣舟無繫任西東蘆花洲畔
栖明月葦葉灘頭趁好風晒網前村懸落照得
魚貫酒醉孤蓬寄言朝省垂纓者賸有滄浪濯

足翁

詠樵

平生蹤跡寄烟巒眼底浮雲世外看操斧千山
林木振披裘五月嶺松寒溪邊漁艇臨風話石
上棋仙向月觀一嘯青霞歸去晚醉餘無夢到
長安

城南

半畝幽人宅千竿修竹林霧深留隱豹風暖自
鳴禽尊酒清時社琴書靜者心柴門傍流水不
厭客來尋

哀王孫

王孫意氣豪寵貴挾金貂朝趨含章近暮謁甘
泉高金羈紫駟艷玉勒青駘驕相逢聚冠蓋劍
佩寒光韜昂昂登瀛客聲價重時髦朱樓綺窓
內錦帳焚蘭膏燕歌與趙舞鷓絃雜鸞簫黃金
不惜費然諾輕鴻毛一朝黃金盡壯氣日已消
朱門食客散戚里多蕭條駕言矜誇者憔悴徒
心切

哭彭坤溪師未及赴奠入夢已頻

凍雲漠漠咽孤鴻黛色摧頽海岳空笑語有情

通夢寐衣冠無地泣英雄明珠墮落隨寒雨寶
劍沉埋斲晚虹絮酒椒醬奠何處白楊蕭瑟五
原中

悼內

殘燈慘澹照愁殷中路郵驚馬失羣夜靜梁空
惟落月秋深帳冷獨栖雲城頭烏在聲猶咽鏡
裏鸞飛影不分幾度相思頻入夢鳴琴絃絕不
堪聳

惜卿逝四首

謝下室顧化孤悰悄然綿歷歲華心焉如割
歌以節哀以代鼓缶

歸日
卿在庭樹青卿去庭樹白樹白有青時卿去無

其二

雲暗月無光夜久燭不滅憶卿對語時眼枯淚
成血

其三

有生即有死何用傷局促葉指二女去零涕不

成宿

其四

對酒那能醉共窓坐落日月照紅羅幃孤眠更
蕭瑟

寄徐潤卿

衡門新水至訪棹久淹期聽鳥牽春思看花憶
故知長風五柳徑明月習家池何日携尊酒同
酣倒接羅

山居雜詠八首 有引

山余隱白亭既無轍跡亦罕郵題日遊數子
之間遂有終焉之意各述短章以志末
姑候尋好云

鶴

月明千嶂曉聲徹九臯虛養就冲霄翮好寄茅
君書

扁舟

白日青山曲春風綠水洲
蓬窓滿書畫疑是米
家舟

茶竈

松風起夜涼呼童燃楚竹四壁激
濤聲明月照
茅屋

蘭缸

昔賢曾繼晷藉此夜焚膏明滅
重窓影山人讀
楚驪

菖蒲

昌陽異凡卉九節蘊仙靈
真此幽人室歲寒常
自青

水仙

不隨衆卉芳玉質抱冰霜微步清波上塵生羅襪香

香圓

九月洞庭霜纍纍黃金色嗅味並蘭蓀貯之香滿室

菊

黃花晚更香孤芳自相保含英霜後開抱節枝頭老

壽錢夫人

玄髮翻然鶴髮新紫霞為服玉為神仙槩百斗開華屋應與麻姑作主賓

步虛詞二首

洞門深鎖鶴飛還香氣氤氳些小翠間讀罷黃庭明月上泠泠清露滴松關

其二

西池曾宴九霞觴自愛山中日月長奏徹雲璈瑤海上青鸞玄鶴任翱翔

偶題

薜蘿爲服褱爲冠
變幻浮雲世外看
惟有孤梅在深谷
霜枝雪蕊獨凌寒

集陶句六首

披榛步荒墟
守拙歸園田
了無一可悅
桃李羅堂前

其二

草廬寄窮巷
晨夕看山川
漉我新釀酒
開飲自驩然

其三

寢跡衡門下
而無車馬喧
卧起弄琴書
甘以辭華軒

其四

笑傲東軒下
素心正如此
徘徊丘隴間
不學狂馳子

其五

濁酒聊自足
盃盡壺自傾
未知明日事
聊復得此生

其六

有酒斟酌之日夕歡相持浪莽林野娛終身與
世辭

王右軍贊

玄襟曠度直寄翰墨虎躍龍騰聞其心畫畫其庭
馮罷籠鶯自適間曹陸沉楸枰永日

陶靖節贊

世宰之胤柯逢芴姓空山一廬鳥啼逾靜素琴
無絃黃菊有徑澹蕩餘生啣杯樂聖

李太白贊

長庚毓秀朗月呈標峻鑠璫寺獨擅人豪廓哉
天風大鵬逍遙塵世希有列仙爾招

杜子美贊

公之詩篇沉鬱典重詞苑彌宗千古稱頌公之
忠愛顛沛縻忘賜玦不復旅人彷徨

孫真人贊

含真抱畸偉然道流以仁搏濟藥囊自修金針
妙用化工與謀淵龍乞療妖豎冥搜

蘇長公贊

金蓮夜歸玉堂學士何被諧誣播黃竄惠節槩
經綸推崇時輩精麗蒼穹芒寒五緯

邵康節贊

安樂置窩先天玩圖皇極之數用倍非孤津橋
月白杜鵑夜呼心無一物太清與俱

陳希夷贊

安期遐舉許由潛蹤托言仙術黃白匪崇歌枕
長睡踵息融融太平喜遘英辟乘龍

林和靖贊

孤山之逸霞岑烟澤梅吐凌寒鶴翩報客得意
詩篇富於寵秩後有太初風流爾匹

五柳先生贊

寄奴鼎定典午祚移耻事異姓踵搯伯夷有菊
有釀有田有谿身淹蓬蘞氣吐虹霓

梅顛道人傳

梅癩梅里之癩叟也性嗜梅種梅幾百株環墻
皆梅也更不喜掃除蒿菜滿徑結菴蓊蔚中放

歌狂嘯若不知有人間世或旬月不出瓢殮及
飲而已意與景會則摘英嗅芬掃石梅下移墨
揮灑其間得意輒狂叫詫爲羲獻家流每吟小
詩大抵宗法韋孟冲淡而多味合不合亦不論
平生無長物止一鶴共行梅間晴雲朗晝晏然
長鳴曰樂矣快矣吾丹成便可折梅馭此而去
也以是人或嘲之爲癡叟叟曰吾癡以梅當號
梅癡弗遺所好也

贊曰

是渠非渠穆然清癯是潔非潔山澤一漁呼梅
爲友傍竹而廬濶畧世故恬然以居席門甕牖
一瓢晏如種苴南山披雲帶鋤興來把酒茗蕨
烹蔬烟霞既痾軒居乃踈彼曰何其是號梅墟

阿中生贊

性弱氣坤形癯骨恠怡情賦景宗陶謝之章嗜
酒性慵多嵇生之態龍蛇縱於繭楮舒筆杪之
恒岱鳩杖選時而携鶴笠肖形而戴朱輪嗒爾
忘情踈梅生平注愛自本濂溪之裔客曰和靖

又在 題 蘇 生 平 畫 受 自 本 齋 笑 之 齋 客 曰 吟 哉
如 草 翁 贊 然 而 其 賦 受 自 汗 而 獲 未 解 容 爾

咄咄此翁山澤之子松蘿紉衣泉石礪齒有時
浩歌聲逼太始有時揮毫雲烟滿紙糟丘之巔
酒池之浹披髮徜徉以相以遲

題翎毛花草四絕 和 外 曰 回 其 文 韻 雅

一 玉 蘭 山 鵲

露掌高承白玉盤霓裳不怯曉風寒傳得漢宮
春色早雙來靈鵲報平安

荷榴鸚鵡

紅粧競出若耶溪噴火丹榴着眼迷鸚鵡似傳
魚袋信一雙花底故來栖 此出崔秘書傳

芙蓉鴛鴦

灼灼芙蓉帶露寒翩翩匹鳥浴晴澗分明一片
清秋水好作巴江濯錦看

山茶水仙白頭翁

鶴頂丹珠艷更柔凌波羅襪暗香浮也知霜雪
林中鳥弄出新聲露白頭

偶見溪南梅放

白熙

江城雪霽粲晴霞
幾處探梅未見花
應是東風偏着意
一枝先放水南家

見梅憶吳少君

昔年樽酒一論文
今日空瞻萬里雲
欲識風流動春思
梅花開處轉思君

漫興

浮世纔成幻
迂踈愧不才
詩偏愁裏得
狂是酒中來
野鹿時相狎
沙鷗莫浪猜
甕頭藏宿醞
幾

向月中開

哭彭師冲溪

大招一別動長悲
路隔重泉不易期
千古文章垂世譽
百年道誼屬吾私
尊前乍冷青蓮社
篋裏空遺白雪辭
從此微言傷已絕
殘雲落日愴深思

送葵墨林項季子

高丘埋玉恨難窮
此日哀歌蒿里中
魄散九原無返照
舟藏一壑動悲風
琴遺石匣音初絕
劍

其松稍事已空獨對荒楸腸欲斷不堪長笛起

蕭東風玉乳

送裴思林

新思

東窗

昔世

大醉

笑道

何月



